



UNIVERSITÄTS-
BIBLIOTHEK
PADERBORN

Universitätsbibliothek Paderborn

**TRACTATUS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorum

VD16 B 5530

Admodvm Reverendo Domino Ioanni Ballae celebris Monasterij S. Huperti
Ordinis D. Benedicti in Ardenna Abbati, amico suo, Petrus Suffraganeus S.
P.

urn:nbn:de:hbz:466:1-41113

A
R
M
C

ADMODVM
REVERENDO DO-
MINO IOANNI BALLAE
celebris Monasterij S. Hupertii
Ordinis D. Benedicti in
Ardenna Abbati,
amico suo,

Petrus Suffraganeus
S. P.



ub
up
olq

CVM praesens in secu-
lum omnium vitio-
rum colluies erupe-
rit, & de die in diem
mundus in deteriora
flagitia ruat, Admo-
dum in Christo Reuerende Pater, rectè
quod antiquitus Horatius cecinit, de-
plorare licet:

*A*Etas parentum peior auis
Tulit nos nequiores, mox duros
Progeniem vitiosorem.
Ea de causa princeps tenebrarum
(:) 2 nunc

EPISTOLA

nunc maioribus viribus, & grauiori tyrannide, quàm vnquam miserum genus humanum inuasisse videtur: ita vt nunquam dormiendum dormitandumque ei sit, qui custodit Israël: Cùm leo rugiens, iuxta Apostolicam doctrinam, semper circumueat querens quem deuoret, nec dormiat, aut dormitet, qui hominis salutem impugnat. Deus enim Optimus Maximus prauis mortalium operibus irritatus, malis spiritibus qui à se pessimam in nos habent voluntatem, permittit, vt suam etiam exerceant potestatem, & machinentur omnia mala in perniciem non solum animæ, sed etiam in interitum corporis & totius substantiæ ordinatæ in conseruatione generis humani. Verè enim quidam dixit: Iustus & omnipotens, cùm præcedentibus peccatis irascitur, permittit vt cæca mens etiam in alijs labatur. Quoniam autem hoc tempore scientia Dei plurimis deest: aut si Deum cognoscunt, non vt Deum timēt & venerantur, sed sequuntur sua desideria, voluptates seculi, concupiscentiam carnis, & superbiam vitæ, Deus multos tradit

Gregor.
Hom. 11.
in Ezech.

DEDICATORIA.

tradit in reprobum sensum, permit-
tendo Damoni, vt suum in eos exer-
ceat tentandi officium, & inducantur
ad faciendum ea, quæ non cõueniunt,
repleti omni iniquitate & malitia. In
quorum numero supremum sibi ven-
dicant gradum ij, quos propter facino-
rum magnitudinem vulgus maleficos
appellat. Quo hominum genere nul-
lum nequius, nullum damnabilius,
nullum Deo ingratius, nullum reipub-
licæ perniciosius, & Damonibus pro-
pissimum inuenitur. Quæ de causâ leges
civiles nature peregrinos, & generis hu-
mani inimicos nominant. Quando-
quidem autem effectus sunt signa na-
ture, & ex fructibus arbor qualis sit, co-
gnoscitur, libet paucis ob oculos ponere
opera maleficorum, quæ frequentius
contra diuinam maiestatem, hominũ
salutem, & publicam utilitatem perpe-
trare non veretur: Deum in primis ab-
negant, suscepto Baptismatis Sacra-
mento renunciant, foedus cum morte
& inferno ineunt, Damoni cultum re-
uerentiamq; exhibent, eiusq; perpetuo
ministerio non raro se deuotent, Dæ-
monibus

cap. Nec
mirum.

26. q. 5. L.

Nemo.

C. de ma-

lefic &

Math.

L. Multi.

L. Est. C.

de malef.

& math.

EPISTOLA

monibus incubis & succubis abutuntur, iisdemque euehentibus, peraërem ad longinqua loca de nocte transportantur, vbi conuenticula celebrant & conspirationes faciunt aduersus communem omnium prosperitatem, vt nimirum suis incantationibus, sortilegijs & diabolicis coniurationibus elementa concutiant, tempestates & cœli iniurias moueant, terræ & arborum fructus destruant, homines iumentaque; interimant, partus humanos suffocent, suffocatos igne in cineres resoluant, & sic resolutis vtatur in nephandis suis maleficijs, viros impotentes reddant ad generandum, & mulieres ineptas ad concipiendum, nec non alia plurima horrenda & abominanda operantur, quæ mens humana recti conscientia memoria comprehendere erubescit, vt Pontificum, Patrumque; decretis, legibus, rationum firmamētis, proprijs maleficorum confessionibus, iudicum testimonijs, plurimis experimentis exemplisque; tam in hoc tractatu de maleficorum confessionibus, quàm in commentario in tit. Cod. de malefic. & mathematicis.

DEDICATORIA.

them. adiuncto contra multorum errores, ac perniciosas falsasq; opiniones declaramus, demonstramus, & vsq; ad fatietatem omnium oculis subijcimus. Cum autem malefici tam enormissima crimina, vt nemo sanæ mentis dubitare potest, committant, & perditos alios perdere non desinant, seducti alios in errorem & malitiam seducere tentent, non immerito secundum legem diuinam humanamque morte mulcendi, & ab hominum societate tollendi sunt. Indecens & indignum est eis relinquere vitam, qui multorum vitam insidiantur, & crudele est eis parcere, qui iniuste etiam in infantes sauiunt. Innocentes enim tradit exitio, qui parcat multorum exitia cogitantibus. Longo tempore hoc crimen latuit, secretumq; fuit, prout eius exercitij natura est, quippe quod magnam communionem habeat cum principe tenebrarum, qui odit lucem, & amat noctem, & sic longe lateq; suum virus diffudit, ita vt non sine molestia, labore, & difficultate aliqua ex parte extirpari valeat, sicut experientia rerum omnium magistra

monstrat

(:)

4

edoce-

EPISTOLA

edocemur, publicis argumentis & iudicium quotidianis querelis cognoscimus. Querunt autem multi, qui plus æquo misericordia erga hoc pessimum hominum genus mouentur (si tamen misericordia dicenda sit, quæ impenditur eis, qui humanitatis expertes sunt, & insontium non misferentur) quando sit tandem futurus finis incendij in maleficos & sagas. Quibus absque longis ambagibus respondetur: Tam diu esse locum pœnæ, quàm diu culpa non cessat. Interest enim reipublicæ ad conseruandum illæsam suum statum, prouincias purgari hominibus malis. Cesset ergo culpa, & cessabit pœna, quæ culpæ mensuræ respondet. Quemadmodum enim, quàm diu fures & publici latrones inuenientur, manebit vsus furcæ & rotarum: Sic, quanto tempore malefici & sagæ modo humano & iuris ordine reperientur, tanto incendium perdurare necesse est. Cum feruore, ait Propheta, Gladius ad Chaldeos, gladius ad diuinos, gladius ad fortes illius: cum zelo iustitiæ, & salute reipublicæ præsidet prouinciarum, quàm diu malefici sunt,

L. Con-
gruit. ff.
de offic.
præsid.

Hiere. 50

DEDICATORIA.

sunt, sententiam proferre possunt: Ignis ad maleficos, ignis ad sagas, ignis ad magos. Sed vt finem his faciam, quia hoc vitium plurimum, proh dolor, inualuit in diuersis nostræ Germaniæ Prouincijs, & multi Iudices nunc experientia malorum excitati, diligētius inquirunt, Priores tractatus nostri de maleficis editiones omnes diuenditæ & distractæ sunt, & passim tam in nundinis Francofurdienfis, quàm alijs officinis, vt multorum relatione didicimus, plura exemplaria expetuntur, sepositis alijs negotijs, statuimus publicæ utilitati laborem nostrum accommodare, & hanc tertiam editionem cæteris auctiorem operæ Typographi subijcere, quæ etsi non tam perfecta (quamuis Prouerbio tritum sit: Omne trinum perfectum esse) quin possit esse perfectior, tamen plurima prioribus addit, quæ maximè faciunt ad clariorem multorum lucem, & lectorum eruditionem. Ne autem huic nostræ editioni fautor & patronus deesset, Admodum Reuerende Domine, te meritò delegi protectorem contra Zoilum, qui fre-

(:) 5 quen-

EPISTOLA

quentius oblatrare solet contra offensionem maleficorum & noctiuagarum strygun, maximè quod etiam occasionem augendi librum dederis superiori hyeme Treuiris, cum à Typographo venalia exemplaria postulasses, nec habuisses propter omnium distractionem, & tum temporis spem dederim iterum breui latius excudendum. Mouent etiam ad hoc singularia beneuolentiæ amicitiaëque officia, quibus me Tua admodum Reuerenda Paternitas sibi deuinxit in Monasterio vestro S. Huperri, cum ante aliquot annos locum illum miraculis multis clarum, & religione cõspicuum peregrinationis causa uisitassem. Præterea etiam idem suadent humanitatis & obseruantiaë argumenta, quæ sæpè alibi mihi in conuentu magnorum, & honoratorum uirorum ostendit. Grato ergo æquoq; animo hunc nostrum, quem dedicamus & offerimus laborem accipito. Precamur interim summis votis DEVM Optimum Max. ut Tuam admodum Reuerendam Paternitatem diutissimè in spiritus & corporis valetudine robustam
con-

DEDICATORIA.

conferuet, vt valeat foeliciffimè fuum
nonasterium antiquum & valdè cele-
bre iniuria horum infoelicium tempo-
rum incendio dirutum, vti prosperè
cepit, in religione fanta D. Benedicti,
ab quo militat, & edificijs erigere, & ad
finem optatum perducere. Treui-
ris, Calend. Septemb. Anno
Domini 1596.

(..)

